

AGENDA

Bydd y Sesiwn yn dechrau am 2.00pm

Eitem 1

Cynigion i ethol 3 swyddog i Bartneriaeth Llywodraeth Leol

NDM792 - Cynnig bod y Cynulliad, yn unol â pharagraffau 1(1) a 4 o Atodlen 11 i Ddeddf Llywodraeth Cymru 1998, yn penodi'r canlynol i fod yn aelodau o'r Cyngor Partneriaeth:

Sian Wilkinson (Cyngor Bwrdeistref Sirol Wrecsam) yn lle Mike Hedges (Dinas a Sir Abertawe).

John Hopkins (Cyngor Bwrdeistref Sirol Blaenau Gwent) yn lle Brian Smith (Cyngor Bwrdeistref Sirol Tor-faen)

Colin Mann (Cyngor Bwrdeistref Sirol Caerffili) yn lle Lindsay Whittle (Cyngor Bwrdeistref Sirol Caerffili)

Eitem 2

Cwestiynau Llafar i'r Prif Weinidog

Cliciwch [yma](#) i weld y cwestiynau

Eitem 3

Datganiad: Ymgynghoriad ar Adroddiad y Grwp Ymgynghorol ar Anableddau Dysgu

Eitem 4

Datganiad Busnes: y Trefnydd

Cliciwch [yma](#) am y Datganiad Busnes Drafft

Eitem 5

Cynnig i gymeradwyo Rheoliadau Hadau (Rhestr Amrywogaethau Genedlaethol) 2001

NDM793 - Cynnig bod y Cynulliad Cenedlaethol:

Gan weithredu o dan Reol Sefydlog 23.10

Yn cymeradwyo'r fersiwn drafft o The Seeds (National Lists of Varieties) Regulations 2001, y gosodwyd copi ohono yn y Swyddfa Gyflwyno ar 15 Hydref 2001.

Cliciwch [yma](#) i weld y Rheoliadau drafft. Ar gael yn Saesneg yn unig. Ni fydd y ddogfen ar gael

ar We'r Siambr

Eitem 6

Cynigion i newid aelodaeth y Cyngor Partneriaeth Busnes

NDM794 - Cynnig bod y Cynulliad Cenedlaethol:

Yn cymeradwyo y bydd cyfarfod o grwp eang ei sail, trawsbleidiol yn cyfarfod o leiaf ddwy waith y flwyddyn, gan gynnwys 11 o Aelodau'r Cynulliad, dau gynrychiolydd o'r economi cymdeithasol sy'n cynrychioli sectorau cydweithredol a chymunedol ac o leiaf pum cynrychiolydd bob un o Busnes Cymru a TUC Cymru.

Mae'r cynnig yn disodli paragraff 11 o'r "Ymgynghoriad â Busnes" a oedd yn rhestru'r sefydliadau i'w cynrychioli ar y Cyngor Partneriaeth Busnes ac amlder cyfarfodydd y Cyngor. Cymeradwywyd yr "Ymgynghoriad â Busnes" gan benderfyniad yn y cyfarfod llawn ar 30 Medi 1999 ac fe'i gosodwyd yn y Swyddfa Gyflwyno ar 24 Medi 1999.

Cliciwch [yma](#) i weld y "Ymgynghoriad â Busnes" - Ar gael yn Saesneg yn unig

Eitem 7

Dadl a enwebwyd gan Blaid Cymru

NDM795 - Cynnig bod y Cynulliad Cenedlaethol:

Yn ystyried effaith y sefyllfa ryngwladol bresennol ar Gymru.

Cyflwynwyd y gwelliant canlynol:

Gwelliant 1 - Andrew Davies (Gorllewin Abertawe), Peter Black (Gorllewin De Cymru), William Graham (Dwyrain De Cymru)

Rhodder coma yn lle'r atalnod llawn ac ychwaneger:

"ac yn cefnogi'r camau y mae Llywodraeth y DU yn eu cymryd i gefnogi'r gynghrair fyd-eang yn erbyn terfysgaeth".

Bydd y gweinidog dros Fusnes y Cynulliad yn cynnig Cynnig Trefniadol o dan Reol Sefydlog 6.16 i ddod ymlaen y Cynnig canlynol sy'n wahanol i'r busnes a gytunwyd yn Ragolwg y 16ed o Hydref 2001

Eitem 8

Dadl ar Strategaeth Wastraff Cymru

NDM780 - Cynnig bod y Cynulliad Cenedlaethol:

1. Yn croesawu'r ddogfen ymgynghori "*Rheoli Gwastraff yn Gynaliadwy*", a roddwyd ar y Fewnrwyd ar 4 Gorffennaf 2001 ac sydd i'w chael ar:- [http://assembly/aegis/Subject%](http://assembly/aegis/Subject%20)

20Index/Environment/Wales%20Waste%20Strategy.htm ; ac

2. Yn cytuno y bydd y Gweinidog dros yr Amgylchedd yn cyhoeddi strategaeth wastraff newydd ar gyfer Cymru i ddisodli yng Nghymru y strategaeth wastraff bresennol ar gyfer Cymru a Lloegr ar y cyd a nodir yn "Waste Strategy 2000", a osodwyd yn y Swyddfa Gyflwyno ar 8 Hydref 2001; ac yn ystyried sylwadau ac ystyriaethau a ddaeth i'r amlwg ers cyhoeddi "Rheoli Gwastraff yn Gynaliadwy".

Cyflwynwyd y gwelliannau canlynol:

Yn unol â'r canllawiau diwygiedig ar Grwpio, Dewis a Gwrthod Gwelliannau, mae'r Llywydd wedi penderfynu ym mha drefn y dylid eu cymryd ac mae wedi penderfynu grwpio'r gwelliannau fel a ganlyn at ddibenion trafodaeth. Bydd y pleidleisiau'n cael eu cymryd yn unigol

(1)+(2)+(3)+(4)+(5)+(6)

Gwelliant 1 - Jocelyn Davies (Dwyrain De Cymru)

Ychwanegu paragraff newydd ar ddiwedd y cynnig:

'Yn cytuno mai targed y strategaeth wastraff newydd yn y pen draw fydd dim tirlenwi o gwbl.'

Gwelliant 2 - Jocelyn Davies (Dwyrain De Cymru)

Ychwanegu paragraff newydd ar ddiwedd y cynnig:

'Yn cytuno mai dim ond lle nad oes dewis arall y caniateir llosgi yn y strategaeth wastraff newydd, a hynny ar ôl cynnal yr asesiadau mwyaf trwyadl o effaith y llosgi ar iechyd; ac yn gresynu bod rhai awdurdodau lleol yn rhuthro i ddatblygu llosgi er mwyn lleihau'r defnydd y maent yn ei wneud o dirlenwi.'

Gwelliant 3 - Jocelyn Davies (Dwyrain De Cymru)

Ychwanegu paragraff newydd ar ddiwedd y cynnig:

'Yn galw ar y Gweinidog dros yr Amgylchedd i gynnal adolygiad brys o'r datblygiadau presennol sy'n bwriadu defnyddio llosgi fel ffordd o gael gwared â gwastraff, yn fwyaf arbennig yn Crumlyn Burrows a Wrecsam, gyda golwg ar ddiddymu caniatâd cynllunio i rwystro unrhyw ddatblygiad nad yw'n gynaliadwy os bydd angen.'

Gwelliant 4 - Jocelyn Davies (Dwyrain De Cymru)

Ychwanegu paragraff newydd ar ddiwedd y cynnig:

'Yn cydnabod y bydd angen newid enfawr yn yr arferion gwaredu gwastraff cyn y bydd Cymru yn cydymffurfio â'r Gyfarwydddeb Tirlenwi a'r lefel fawr o gyllid parhaus fydd ei angen i gyflawni'r newid hwnnw.'

Gwelliant 5 - Jocelyn Davies (Dwyrain De Cymru)

Ychwanegu paragraff newydd ar ddiwedd y cynnig:

Yn galw ar y Gweinidog dros yr Amgylchedd i:-

- a. Sicrhau bod cyllid ychwanegol sylweddol ar gyfer y Strategaeth Wastraff yng nghyllideb y flwyddyn nesaf a'r cyllidebau dilynol.
- b. Trefnu gyda Llywodraeth San Steffan, a hynny ar frys, fframwaith symlach a mwy effeithiol ar gyfer rheoli gwaredu gwastraff.
- c. Trefnu gyda Llywodraeth San Steffan fod yr holl arian sy'n cael ei godi yng Nghymru trwy'r Dreth Tirlenwi yn cael ei drosglwyddo i gyllideb y Cynulliad Cenedlaethol er mwyn i'r Cynulliad ddefnyddio'r holl refeniw sy'n deillio o'r dreth tirlenwi i hybu ffordd gynaliadwy o gael gwared â gwastraff.

Gwelliant 6 - Jocelyn Davies (Dwyrain De Cymru)

Ychwanegu paragraff newydd ar ddiwedd y cynnig:

'Yn galw ar y Gweinidog dros yr Amgylchedd i sicrhau bod y Strategaeth Wastraff yn cydweddu'n llwyr gyda strategaethau a chynlluniau eraill Llywodraeth Cymru, yn enwedig y fframwaith polisi cynllunio newydd, a'i bod yn cydymffurfio'n llwyr â'r Cynllun Datblygu Cynaliadwy.'

Cliciwch [yma](#) i weld y "*Rheoli Gwastraff yn Gynaliadwy*" - Ar gael yn Saesneg yn unig. Ni fydd y ddogfen ar gael ar We'r Siambr.

"*Waste Strategy 2000*", - Nid yw'r ddogfen hon ar gael mewn fersiwn electroneg

Bydd y cyfarfod yn dod i ben am 5.30pm

Cynhelir Cyfarfod Llawn nesaf y Cynulliad am

9.05 am ddydd Iau, 25 Hydref 2001

E P Silk

Clerc y Cynulliad